

# مجموعه آباء الضیاء

ماسوا شایسته شدن دلی تطهیر و پالاش  
پرتو حکمت و عرفان ایلد تنویر و آتش

علوم و معارفدن بحث ایدر و حرما عریق ابتداسیاه اون بشته نشر اولنور فنون غزیه سیدر.

نومرو ۱۰ [ فی حرة صفر سنه ۱۲۹۸ ] نسخه سی ۳ غروش

آفرین ای نی کلك هنر عیسی دم !  
 ایلدك نغمة اعجاز ايله احيای عدم .  
 عارفان یوقلق ايله ایتده اثبات وجود ،  
 بن ایسه وارلق ايله ایلدم انشای عدم .  
 یوغی وار ایلکه خیلی چالشم لیکن ،  
 اولدی سعی و طلبم هب لوولولای عدم .  
 صیغمدی چونکه دهان دله نطق هستی  
 ایلدم خاضه معجز دمی کویای عدم .  
 بو قصیده قلمه قاف فنادن کلدی ؛  
 اولسه نامی باقیشور بیضه عنقای عدم .  
 کیسی نیستی غمه بقا جوی وجود ،  
 کیمی هستی المله طلب افزای عدم !  
 محو خاک ره شاهنشاه کونینم بن ،  
 نه تولای وجود و نه تیرای عدم !  
 ( نعت )

### مادام دو پومپادور

مادام پومپادور اون سکرانجی عصرده فرانسه قرالی بولتان و فرانسه نك دور سفاهتنی درجه مفروطیه ارتقا ايله نهایت اودور سفاهت یوزندن فرانسه صحائف تاریخنه عارض اولان لیکدلی اوغلی اون آلتنجی لوئینک قاتيله تمیزلندرن اون بشنجی لوئینک محبوبه لزندن یعنی فرانسه تاریخنده ابقای نام ایتمس نسواندر .

مومی الیها ارباب معارف و ادبیاتی خیلی تشویق و بر درجه ده قدر

حاجیه ایتمله برابر کندی بی اعمار یعنی اسباب سفاهتی اکیال ایچون فرانسه خزینه سنی تخریب ایتشد.

از جمله (قره سی) ده ۶۵۰ یک لیرا (\*) قیمتند اراضی و (لاسل) ده ۲۶۰ یک لیرا مقابلنده بر صیفیه و (وهر سایل) ده ۲۸۳ یک ۱۳ لیرا و (فوننبلسو) ده ۲۱۶ یک ۳۸۲ لیرا و (قونین) ده ۳۰ یک لیرا ویره رک خانه لمباعه ایلدیکی کبی یته ورسایلده (رهزر ووار) ناعنده کی قوناغی ۲۱۰۸۴۴ لیرا صرفیه انشا وپارسده دخی (اوتل دورو) بی ۳۸۰ یک لیرایه بنا ایتدیرمش و بونک دروننده فقط کیردیکی سمنه بعض محو واثبات مقابلنده دخی طقسان بش یک یوز آلتش لیرا مصارف ایتشد.

بونلردن بشقه (بل او) نام محله باشلاتدیغی صیفیه نک مصارف انشایه سی ایکی میلیون بشیوز یکر می آلتی یک طقوز یوز یکر می یدی لیرایه بالغ اولمشدر.

املاک مذکوره نک مرمت و تعمیری یولنده ایدیلان مصارفله بدل اشترا ایله مبالغ انشایه سنک یکونی اوتوز آلتی میلیون لیرادن عبارت اولدیغی فرانسه انقلاب کیرنده سرائک دفاتر مصارف نک تدقیق صره سنده بدین ایتشد.

بونلرک مفروشات و مزینات و تناتی اغورنده صرف ایدیلان مبالغ ایسه بو مقدارده داخل دکلد.

مادام بو میادور بو قدر اسباب ثروت و احتشام ایله برابر سعادت حال و باله مالک اولمیوب، دائما قرالک تغیر میل و هوسی حسبیه رقیب لیرینک کند. یسنی نظر التفاتدن دوشورمک ایچون تدارک و تقدیم ایلله جکری نسوانه فائق عد ایتدیره جک صورنده شطارتلره، مهارتله حصر فکر و اوقاته مجبور اولمسندن هر آن وزمانی فکر منفعت و غائله حصما ایلله بر عذاب البم ایچنده اولهرق، امرار ایتلش و بو سببله صحتنی اخلال ایتشد.

مادام دو پومپادورک سرایده و خاندان حکمداری ایلله وکلای دولت

آره سمنده بر چوق حصصاسی اولدیغندن، مادام دایمابونلرایله اوغراشمق و آنلرک دسیسه لرینی مهارتکارانه وجود بولمش دسیسه لره تأثیر سن بر اقق مجبور یئنده ایدی. و کلادن (موریانی) تبعیده موفق اولمش ایسته ده قور نازلغیله مشهور اولان (قونت دارژانسون) ی بر زمان عزل ایتدیره مامش ایدی. بو قونت دارژانسون فرانسولی ایکی صنفه تقسیم ایله بر قسمنه دساس ارباب احتیلاس و دیگر صنفه مستقیم ارباب حیاقت عنوانی و برر ایدی.

دارژانسون، مادام دو پومپادورک اقریاسندن اولوب دایم مومی البها ایله برابر بولنان (قونتس ده ستراد) ی کندیسینه جلب یعنی مرقومه بی محبوبه قلب ایتمکه موفق اولدقدن صکره مادامک اسرارینه واقف اولمشدر. فرانسه نك اودوره مخصوص اولان رجال دولنده الك بیوک مهارت و لیاقت قرالک شهوات و هوساته موافق خدمات ابراز یله سائر افعاله بی باکانه حکومت ایتمکدن عبارت ایدی. بوسنبهله صورتا افندیلرینی خشنود و حقیقته منافع شخصییه لرینی استحصال ایتمک ایچون هر نوع رذائل و ساطت و دلالت ایتمکدن چکنزلر، چنک نروده! بو درلو خدماتی و اجرا آئنده کوسه تردکلری مهارتله حصصارینه ایتدکلری غلبه بانی فخارانه اعلان ایدرلر ایدی.

ایسته او صاحب ناموس ذواتدن بریده بو قونت دارژانسون اولوب، مادام (شوازل رومانه) ائمنده صاحبه ملاحت بر قادی اونی بشنجی لوئی به تقدیم ایتمکله مادام پومپادوری قرالک نظر اعتبارندن اسقاطه موفق اولمش ایکن مادام پومپادور و کلادن و دارژانسونک حصصاسندن اولان دوق دو شوازولی طرفه جلب ایله مادام شوازل رومانه بی طرد ایتدیرمشدر. مرور زمان ایله مادام دو پومپادورک کلای ملاحتی فرسوده اولمسیله اونی بشنجی لوئی سفاهتک نوع دیگرینی ایجا ایتش و «پارق او سرف» نامیه بر خانه تهیئه اولندرق، آنک دروننده مشارایه بر طاق شوق آور وصال اوله حق بری پیکرل احضار و تقدیم اولمغه باشلامشیدی.

مادام دو پومپادورک قرالک بو کبی بر ایکی کون ویا بر ایکی ساعت واسطه تسکین اشتها سی اوله جق قیرلزدن ولو آفت جهان اولسه لر دخی پرواسی اولیبوب، اک زیاده حذر ایلدیکی شی بیوک رتبه ده کی نسوانک قراله تقریبی ایدی . بناء علیه ساقط اولمش اولدیغی نظردن بتون بتون دور اولماق و بلکه غائب ایتدیکی موقعی بو وسیله ابله ینه احراز ایتک ایچون مادام پومپادور ذکر اولمان سفاحخانه یه رجال عصر طرفلرندن تدارک و تقدیم ایدیلان قیرلزله بهجت و آن و نزاکت و ربعان خصوصلرنده نسبت قبول ایتیه جک صورته نظرربا واشتها افزا دخترل انتخاب ایده رک، و آنلرک هر برینه کونلرجه عشوہ بازلق و شطارت سازلق بوللرینی تعلیم ایلیمه رک (بارق اوسرف) ه ادخال ولوئی طرفندن مظهر رغبت اولدقدن صکره حامل قالانلرک جنیننی دخی اسقاط ابله فعاشتنی بو بولده بر قابله لکله اکمال ایلر ایدی . و آندن صکره ده پر ( ساسی ) نامنده بر جزویت راهبی معرفتیه پاپا حضر تارندن ذنب و کنهای ایچون استدعای عفو و طلب مغفرتله مجازات اخرویه دن برائتی ناطق شهادنامه لر استحصال ایدردی (!)

مادام دو پومپادور قرالک حفظ نفسی بولنده ارنسکینه مجبوریت کوردیکی کناهلرندن طولانی حشمتلو پاپا حضر تارندن نائل عفو اولدقدن صکره زوج مشروع و فقط ممنوعی اولان موسیو ( دو اتیول ) ه دخی عرض ندامت و ادب سنده بر مکتوب تحریربله بو افتراقک باعثی کندی و جودی ایسه ده کندی آرزوسی اولدیغنی و قرالک ابتلا سی زوج ایچون محض مصیبت اولدیغی کبی زوجه ایچون دخی هلاک عصمتیه رسوایلقدن عبارت قالدیغندن، و بونک سببی دخی مقاومت قابل اولمیان بر آدمک خوشنه کیده جک بر حسنه مالک بولمقلغی اولدیغندن بحکله بنسه دائره زوجیتنه قبول و نامیه یاد اولمقلغنه مساعده سنی مبدول ایتکلیکنی استرحام ایلش ایدی .

موسیو دو اتیول دورینک سایه سفاهتنده هر شیئی خوش کورمه آلمش و باخصوص زوج و زوجه آره سنده کی ارتباط مقدس ابادی

سقفها ایله بر کره فك اولمش اولدیغی کبی کندوسسنگ شکایت و فریاده حاضرلئان لسانی بالکز سموی درت یوزیسک فرانق ایراد کتیره جک مالکانه لزه قرالک مداجنه اماله و حصر ایدرلمش یعنی زوجه عصمت ناتساملری عادتا بونا موسلی موسیودن صائون آلمش اولدیغی جهتله اوده الله کچن بوژونک ایجابانه کوره حرکت و ترکیه سی کندوسی ده کینی ایسته دیکی یولده غریق لجه سفاهت اوله رق، بشقه محبتله دوکاش و قاریسی چوقدن اونومش ایدی . باخوص مادام پومپادور براز مدت مادام دواتیول نامیله یاد اولنور کن صکره دن مارکیرلک توجیهیله مادام دو پومپادور تسمیه قلمسندن موسیو دواتیول زوجه سنی کرچکدن فراموش ایش ایدی . بناء علیه زوجه سندن آلمش اولدیغی نامه ندامتکارانه اوزرینه مختصر بر جواب یازوب حرکت واقعه سندن طولانی مغدرتی تسلیم ایله برابر ، زوجینه قبول ایتک بحثه کلنجه بو خصوصدن صرف نظر ایتکلی طرفین ایچون دخی خیری اوله جفنی و بو بابده ایسته دیکی قدر « پاردون » دیدیکنی بیان ایشدر .

مادام دو پومپادور بیان اولئان خدمتارنده دوام ایله هر کون بر با کرک در دانه عصمتی آلت سفاهتله ثقبه وساطت ایتکله قرال نزدنده ینه اعاده اعتبار ایتکله باشلامش و بو فرصتدن اتهاز ایله کندوسی ایچون انغزال قبول ایتیان بر منصب اولق جهتیه قراچدنک ( دام دونور ) یعنی نسوان حشمتی خدمته کبرمشدر .

اشبو موقع جدیدی سایه سمنده فرانسه نك او عصرده قیئاری فقط فرانسه زدن زیاده ملل اجنیه عهدنده تقدیر اولئان مشاهیر ادبا و حکما سندن وولتر ، قره بیلیون ، مونتنسکیو ، بوفون ، مارمونتل ، دالانیر ، دیده رو ، وژان ژاق روسو ایله کسب مناسبت والفت ایشدر . روسو انبای جنسندن يك او قدر محترز دكلسده انبای عصرندن يك متفکر بر فیلسوف

اولدینجی جهته کیمسه ایله انس والفت و پیدای خصوصیت ایتدیکندن  
مادام یومپادور مشار الیهی (ایبو) یعنی پوهو قوشی تسمیه ایدردی .

مادام یومپادور ترك اولندینجی ایچون تارك اولدینجی طالم سفاهتده کی  
سیمانی سالف الاسامی ادبا ایله آنلرك واجب الاحترام عد ایلدینکی ذواتی  
بالذات توقیر و اغراز و قرالچیه واسطه سیله مظهر حایت و امتیاز ایتکله  
حسناته تبدیله ساعی اوله رق، مقدمانه قدر ماهره سفاهت ایسه مؤخرأ  
اول قدر محبة ادب و معرفت کوروغش ایدی . حتی اون بشنجی لوئینک  
سفاهت معتاده سندن دلکیر اولوبده كرك مادام یومپادور و كرك امشالی  
اولان مستولیان نسوانی بوسفاهتک بر آفت مشخصه سی عد ایدن خلق  
مادامك قرالچیه انتسابدن صکره اصحاب ادب و عرفانی تلطیف و حایت  
و ارباب صنایعه تشویق و صیانت ایتدیکنی کورمه دیله مومی الیهانک حد  
ذاتده هر درلو شوابدن زاهتنه اعتقاد و سیئات اخلاقسورک فاعلی رجال  
عصر اولدیغنه کسب بقین و اعتماد ایلش ایدی .

مادام یومپادور لسان خلقده دوران ایدن ستایش و مدایحنی آرتیرمق  
ایچون ساقسونیانک (چینی) فابریقه زینه رفایت ایتک اوزره (سهور)  
نام مجلده کی مشهور فغفور فابریقه سنی تأسیس ایلشدر که بونک معمولاتی  
اليوم مقبول انامدر .  
(مايه دی کلمه بک نهغه ده)

#### عادات اقوام

ژاپونیالیر منحصراً برون  
سیلک ایچون جیبارینه مندیله برینه  
اوتدن معمول و فقط تولبدن دها  
نرم و نازک مربع الشکل کاغذ  
پارچه لی بولندیررلر؛ و بر کره  
برون سیلیدیلر کاغذی آتارلر .

\* \* \*

ایتالیانک اکثر محللرنده کیچه  
و کوندوز اون ایکیشر ساعت  
اولمق اوزره ایکی به تقسیم اولمبوب  
(رصدخانه لجه معنیر اولدینجی  
وجهله) ساعتلر بردن یکرمی  
درده قدر اعتبار و شمار ایدیلیر .